



Sofia Geisler
Inatsisartuni ilaasortaq, Inuit Ataqatigiit

§ 37 apeqqummut nr. 144/2020 - nutaaliornermik ilinniartitsineq pillugu akissut

14-09-2020
Sagsnr. 2020 - 15063
Akt nr. 14720578

Postboks 1029
3900 Nuuk
Tlf: +299 34 50 00
Email: ikin@nanoq.gl
www.nanoq.gl

Asasara Sofia Geisler,

Qujanaq apeqquteqaatinnut, Inatsisartut suleriaasianni aalajangersakkat naapertorlugit tunniussannut. Taakkua uani ataani akissuteqarfigissavakka.

Apeqqut 1: Fagi nutaaliorneq piginnaaneqarlerfiusumik ilinniartitaanernut sorlernut ilaatinneqarnersoq Naalakkersuisut paasissutissiinissaannik qinnuigaakka.

Akissut:

Campus Kujalleq

Fagi nutaaliorneq serviceøkonomitut ilinniarnermut ilaavoq (SØK), naatsumik ilinniaqqinnerulluni.

Kalaallisuuliornermik Ilinniarfik

Atuarfik ilinniaqqiffeqarpoq, taaguuteqarluni Immikkut ukkatarinninnerulluni ukiup affaanik sivissuseqartoq, fagi nutaaliorneq ilaalluni – kalaallisuuliornermi nutaaliornermik eqqarsarnek ilaalluni imaluunniit ammpip nutaamik atorneqarsinnaanera pineqarluni.

KTI

KTI-p ataani ilinniarnerni nutaaliornermik fagi immikkut ilaatinneqanngilaq. Nutaaliornarli ilinniarnarup ingerlanerani ingerlaavartumik ilaatinneqarluni. Tunngaviusumik suliffeqarfimmik paasinnissinnaaneq ilinniarnerni ilaatinneqarput.

KTI-p anguniagaraa nutaaliaanerpaanik sakkussaqaarneq/atortussaqaarneq kiisalu tamakkiisumik isiginninneq sanaartorerup iluani ineriartorneq eqqarsaatigalugu.

Niuernermik Ilinniarfik

TNI SK5-imi fagi Nutaaliorneq ilaavoq aamma MERX1-imi fagi Nutaaliorneq ilaalluni. Ilanngunneqarsinnaavoq, Niuernermik Ilinniarfimmil sulissutigineqartarmat nutaaliornermik nutaamillu pilersitsisinnaanermik ilikkaruminartumik atuartitseriaaseq, atuariup qanoq ittuuneranik takutitsisumik aammalu atuartitseriaatsimi atorneqartartumi annerusumik minnerusumillu ilinniakkat tamaasa eqqarsaatigalugit.

Nunatta Isiginnaartitsisarfia

Isiginnaartitsisunngorniarluni ilinniarfimmi massakkut piffissami, Remote North – Nordic Center for digital presence suleqatiginiarlugu oqaloqatigineqartarmat, nutaaliorneq tassani ilaatinneqarluni. Remote North – Nordic center for digital presence tassaavoq universitetit ataqtigiiffiat, isiginnaartitsisarfii, nipilersornermik ilinniarfiit, ataqtigiittumik aaqqissuussinermi ilisimasallit kiisalu isiginnaartitsinermi suliaqartartut akornanni.

PI/SPS

PI/SPS immikkut faginik taasassaqaangilaq, nutaaliornermik imalimmik, kisianni nutaaliorneq atuarfimmi ilinniartaanerup iluani ilaareerpoq, perorsaanerimi ineriartortitsinermi suliaqartitsinerni assigisaannilu.

Ilinniartitsinermik ilisimatusarfik

Ilinniartitsisunngorniarneq tamaat isigalugu nutaaliornermik eqqarsarnermik tunngaveqarpoq.

Assersuutigalugu taaneqarsinnaavoq, ilinniartut sapaatip akunneqartinneqartarmata suliaqartinneqarlutik ilinniartut ukiut qassissaat atuarneraat immikkoortukkuutaarlutik, tassani ajornartorsiutinik aniguniarnissaq suliarineqartarluni, meeqqat atuarfiani ajornartorsiutaalersimasut aallaavigalugit.

Ilinniartut assersuutigalugu ukiut pingajussaaneerminni fagi "Nutaaliornermik perorsaariaaseq" ingerlattarpaat, misissueqqissaarnissaq kiisalu piffimmi ajornartorsiutinik aniguniarnermi atorluarneqarsinnaasunik suliaqartinneqartarlutik. Taakku Ilinniartitsisunngorniarfimmi ilinniartitsisunit aquanneqartarput. Ukioq manna ukiut pingajussaaniittut "Nutaaliornermik aallarnisaaneq" pikkorissartinneqassapput.

Peqqissaanermik ilisimatusarfik

Ilinniartitsisunngorniarnertuulli peqqissaasunngorniarneq aamma nutaaliornermik eqqarsartariaatsimik tunngaveqarpoq.

Ilinniartaanerimi nutaaliornermik taallugu fageqaangilaq, kisianni ilinniartitsinermi nutaaliornermik eqqarsarneq ilaatinneqarpoq. Ilinniartitsisut ilaat pikkorissartinneqarsimapput sanaartorsinnaanermik (pikkorissarneq ingerlanneqarsimalluni Pilersitsinermut Aningaasaateqarfimmit), eqqummaariffiqineqarluarpullu ilinniartut eqqarsarnermikkut nutaalorsinnaanermut isumassarsianillu pilersitsisinnaanermut.

Soorlu taaneqarsinnaavoq, semesterit tallimaanni fageqartoq Peqqissusermut iluaqutaasussat nappatsaaliuinermilu, isumassarsianik pilersitsinermi nutaalorsinnaanermilu atuartitsinikkut ilanngunneqarlutik.

Inuiaqtigiilerinermik, Aningaasaqarnermik Tusagassiornermillu Ilisimatusarfik

Ilisimatusarfik pikkorissarnerit nutaaliornermik taaguuserlugu pikkorissaasoqarneq ajorpoq, kisianni pikkorissarnerit, nutaaliornermik imaqtartut ilaatigut ilaapput. Soorlu

Nutaaliornermik aallarnisaaneq aamma Tuniniaanissamik suliniuteqarnermi pikkorissarnerni, taakkulu ECTS 20-upput. Ilisimatusarfiup sulissutigaa suliamut tunngasumik ulluinnarni nutaalorsinnaaneq, imannak paasillugu ilinniartut suliaat nutaalorsinnaanermik aallaaveqartut.

GUX

Ilinniarnertuunngorniarfimmi nutaaliornermik ilinniartitsinerit fagini arlaqartuniipput. Pingaartumik erseqqissaatigineqarsinnaavoq niuernermit tunngasuni fagit Nutaaliorneq C aamma B, kisianni aamma Issittumi Teknologimik atuarnermi fagi ilaavoq.

Taassuma saniatigut GUX issittumi nutaaliornermik unammisitsineri ilaavoq, ilaatigut unamminerit ilaapput, ilinniartunngorniartunut sammisut.

Unammissutigineqartartoq Arctic Future Challenge pilersinneqarsimavoq Kalaallit Nunaanni (Ilinniartitaanermut Naalakkersuisoqarfik), Island, Savalimmiut Qallunaat Nunaannilu (Nunanut Allanut Ministeriaqarfik) Qallunaat Nunaanni inissisimasumi. Unamminerup aallaavigaa Issittumi Siunnersuisoqatigiit, Issittumi inuusuttunik nukittorsaanermik ukkataqartunik taakkunanngalu nutaaliornermik piginnaanngorsaanernik aallarnisaasutullu attassinnaasunik ingerlatsinerinik suliaqartunik.

Unamineq siullertut Qallunaat Nunaannit aningaasaliiffigineqartarpoq, Kalaallit Nunaat aningaasaleeqataanissamut neqerooruteqarsimalluni, tamannali massakkuugallartoq pisariaqartinneqanngilaq. Ajugaaniutivinneq qarasaasiakkut toqqaannartumik ukiakkut 2020-mi ingerlanneqassaaq, ajugaaniutivittut inanneqassallutik piginnaasaminnik nalunngisaminnillu Issittumi nutaaliornermik aallarnisaanermik siammarterinissaminnut.

Apeqqt 2: Taamaappat Naalakkersuisut makkuninnga paasissutissiinissaannik qinnuigaakka:

- a. Nutaaliornermik fagimik ilaqartinneqartumik ilinniartitsineq Kalaallit Nunaata nammineq aningaasalersussaneraa.***
- b. Nutaaliornermik fagimik ilaqartinneqartumik ilinniartitsineri avataanit aningaasaliisut matussuseeqataassanersut.***

Akissut a:

Ilinniarnertit tamarmik uatsinnit aningaasalersorneqarput. Isiginnaartitsisunngorniarnermi kissaatigineqartarpoq fondinut aningaasanik qinnuteqarnissaq Remote Nordic-imik suleqateqarnissamut tunngatillugu. Ilinniartitsinerimik ilisimatusarfimmi "Nutaaliornermik aallarnisaaneq" pikkorissarneq aningaasaliiffigineqartarpoq semesterit tallimassaanni ingerlanneqartumi Pilersitsinermit Aningaasaateqarfimmit.

Apeqqt 3: Naalakkersuisut ukuninnga paasissutissiinissaannik qinnuigaakka:

- a. Nutaaliornermik fagimik ilaqartinneqartumik ilinniartitsineri aningaasaliisutit annertusivittarnersut.***

***b. Imaluunniit nutaaliorneq Naalackersuisut siunissami
aallutissannginneraat.***

Akissut a:

Akuersissutit ilinniarnerni ataasiakkaani suliaqarnerannit tunngaveqartumik ataatsimut isigalugu ingerlapput. Aningaasaliissutit immikkut pituttugaanngillat nammineerluni nutaaliorsinnaanermi fagini, kisianni ilinniarnerni arlaqalersuni nassuiaatigineratuut annertusiartortumik ilaalernikuuvoq.

Akissut b:

Nutaaliorsinnaaneq tamakkiisumik ilaannakortumilluunniit ilinniartitsinermi susasaqartitsinermi siumut isigaluni ilaatinneqaraangat, aningaasaliinerup malitsigissavaa nalinginnaasumik suleriutsit aallaaviusut malinneqarnerat aamma suleriaatsit aningaasaqartuutissanut inatsisip suliarineqarneranut atatillugu.

Inussiarnersumik inuulluaqqusillunga



Karl Frederik Danielsen